

周忠武公墓異記

周忠武公墓在郡城東門外山岡左營恢河上流衝
側爲患乾隆五十年夏霖雨浹旬勢尤湍急七月十
九夜墓後忽迸裂十數處墓前左右地墳起累日成
二小山廣袤數丈高如之通溜中趨前郡守裴公勸
石以記厥後小山漸淤漸削河溜復及墓次咸豐六
年秋山水迅發七月十一夜墓左河灘岡阜並陡長
數尺逼河徙北岸又自西麓澗口迤接南麓澗口砂
石墳起成堰眠亘三十餘丈高六七尺厚倍之士民

威靈爲神異夫忠魂所憑依鬼神必爲呵護實理之
常無足異者又父老傳聞值公盡節之辰或生辰常
陰雲渙合淒風怒號凜烈逼人廟內歲修銀兩或有
挪移不歸欸及侵吞者屢著靈異愈以嘆公之精爽
常昭昭在人耳目前乎可畏矣後之人宜何如以時
修理廟墓而慎守欸項者

續甯武府志序

重修志乘非易也然須隨時續增爲將來計丙辰
余來攝甯郡競競以作士氣厲民風修廢舉墜爲急
查郡志創自乾隆十五年久未增修而百餘年以節
孝旌者亦屬寥寥竊嘆人文久益無徵而苦節之渾
而弗彰者多矣爰諄諭各學廣爲採訪闕半載甯邑
得節婦八十二口類皆窮阨堪憫而貞女烈婦尤稱
罕異亟爲彙詳請旌未幾事適予卸任代者旭東同
君於偏邑又得節婦六十二口並前後所得科目忠

義孝弟暨舊旌孝子義士節婦均次第而增入焉俾
重修者有所考云

咸豐丁巳孟秋上浣山左常文遴題

總纂

署甯武府知府常文遴

署甯武府知府阿克達

內蒙古
歸化城
總領事

總理

甯武路參將調太原營參將福

瑞

湖北
荆州
駐防
前鋒校

採訪分修

甯武縣知縣高松年
順天大興縣人
丙午舉人

偏關縣知縣張於荃
山東海鹽縣人
辛巳舉人

神池縣知縣黎銓
廣西南平縣人
乙未舉人

五寨縣知縣李植
山西襄垣縣人
丁酉舉人

甯武府教授王會極
澤州沁縣人
乙未進士

甯武府訓導白長庚
平陽臨汾縣人
廩貢

甯武縣教諭陳寶鎬
蒲州猗氏縣人
乙未恩科舉人

署偏關縣訓導王鑑
太原交城縣人
廩貢

神池縣訓導耿漢南
霍州平遙縣人
廩貢

五 寨 縣 訓 導李志白

汾州介休縣人
附貢

校刊

甯 武 府 經 厯弓 秀

直隸建昌縣人
監生

甯 武 縣 典 史孫德懋

順天通州人
監生

忠義孝弟

耿貴和由武生任千總嘉慶二年勦匪川省以功累陞江南壽春鎮遊擊六年在太平縣力戰陣亡

李清柱乾隆戊子武舉雁門關把總嘉慶三年陣亡於陝西

李興嘉慶四年以外委陣亡於陝西紫陽縣土地嶺王會嘉慶五年以外委陣亡於陝西西鄉縣

劉紹嘏少樵薪以養寡母克自成立母壽百有四歲食必請與出則命孫輩肩輿自負杖以隨因母悲

鮑參軍陣亡而太夫人不能歸也以三百金資其
行以母憐歲饑而族黨多餓也糴粟三百石以周
之因母以節孝旌而舊祠久廢也卜地改建重修
尊經閣不久勒石以記道光乙巳以孝義旌歲貢
鋒舉人鐸齋奏廳錕增生鎧皆其子也

廩生侯芸三歲喪母稍長每向人詢其母音容語及
鞠勞情形輒流涕父多義舉必贊成與姪子十二
人均分家產設義學以教鄉里先世以孝義列入
府志者最夥子孫世業詩書傳孫廷瑞亦孝友可

風

廩貢張鵬舉父歿廬墓孝事繼母成姑母節敦友誼
重然諾仗義恤鄰杜足公門嘉慶元年舉孝廉方
正子孫多秀士

歲貢生王君賜事繼母多人所難能讀書視日影回
家親自炊爨絲毫不敢自專生平謹厚謙抑未嘗
言人過較是非束身自愛老而彌篤

捐職遊繫孫成章事繼母聽命惟謹遠出夜歸必於
窗前問飲食寒煖捐錢二千三百千於鶴鳴書院

道光壬辰丙申出粟一千二百餘石以濟其鄉人
鰥寡孤獨周恤以爲常

朱重慶嘉慶癸酉拔貢家貧好學竈前照讀設教鄉
里垂六十年成名者二百餘人坦率質直不憂貧
不近名濟急解難未嘗與人爭地方公事長官或
下問知無不言然未嘗干以私且非公不至

捐職布理問田秀家非素封好施濟道光十三年捐
錢二千吊以賑飢以義士旌十八年歲又飢復捐
錢二千一百千繼加二級以府文廟勸捐督工

紀錄四次學宮書院共捐錢四百餘千文予有年
賀年爲膠庠俊士

廩貢生劉邦弼事祖母奉雙親撫諸弟一室聚順動
必以正目不邪視嘗受業於申學師事之如父病
則晝夜不離左右師病愈贈以詩有衣裳不解帶
甲夜到雞鳴之句

民人馮連祖江源三十年不知所之及聞在西域連
父病旋亡連承父命積有微貲泣拜其母徒步至
迪化州不獲禱於神籤云卦問尋人好費心冬初

秋後始知音後聞曾從此西去遂由阿克蘇至葉爾羌膠行泣詢忽遇山西孝義縣耆老武大有傳可法引至義塚視墓碣而得之輿櫬以歸往返二萬餘里艱辛萬狀

以上俱甯武人

增生李暲孝事繼母化爲仁慈俾父抑鬱之疾亦愈居喪三年未嘗見齒族黨中無力成室者資以娶窮無歸者養以老乾隆四十九年以孝子旌

監生李永年六歲喪父事孀母以孝聞捐金三千地二百畝於偏邑書院義恤鄉鄰曾有遇荒鬻妻者

貲令完娶以孝廉方正舉又以孝義旌

庠生田茂育讓產諸兄恬淡寡營生平不曉欺人並不曉人欺人亦不忍欺生徒成名者數十人已西拔貢張遠音則其所飲食而教誨者也

歲貢生高之崧父母早見背事三兄惟謹四十年設教於鄉品學兼優之士多出其門有膠庠者百餘人隱惡揚善家人有謾人短者必重懲之方其不折傲蠶不殺嘗立功過格以自警子眺孫許攀均歲貢生

楊全楊泰八世孫也父患癱十餘年負出負入寸步不離初以蔭任樺林營千總民人張某歲歉棄其妻資以錢俾勿離異有趙某物故妻子無倚月給錢米陞福建守備嚴約束勤訓練兵民無不戴德民人劉湊服賈孝養父遊西營十年不返湊尋至涕泣請還父以負債辭返資金以往盡償其債父母之喪有規以過厚者曰此後欲復爲吾親營此豈可得乎此外尙有生員喬攀龍高士英李恒興民人田萬荃其人者

以上俱備關人

科目

進士

許師賢

嘉慶甲子舉人戊辰進士江西上猶縣知縣偏關人

舉人

劉鐸

嘉慶丙子太谷訓導孝子紹猷次子

呂應樞

道光辛巳廣東增城知縣

劉焜

道光乙酉

崔彥曜

道光乙未由拔貢中式廣東四會知縣

馬應房

道光己亥署聞喜教諭

党壽章 道光丙午大同教諭副榜執群三子

趙謙 咸豐乙卯經魁

常鑄 咸豐乙卯由副榜中式署祁縣教諭

蘇師軾 咸豐乙卯
上並甯武

呂源永 乾隆

劉鈺 乾隆癸卯由拔貢中式浙江臨安知縣

郭鎬 乾隆癸卯

石麗峯 嘉慶庚午由拔貢中式夏縣教諭

潘化樞 嘉慶庚午由拔貢中式直隸慶雲知縣
拔貢治國第

王璋 嘉慶癸酉

常衡宰 嘉慶戊寅蒲州府教授

張步瀛 嘉慶戊寅中式雲南鄉試河陽教諭拔貢

王璠 道光辛巳恩貢中式

張曉 道光乙酉中式雲南鄉試星子

白鳳 道光己亥由拔貢中式

宮樹芝 道光己亥由拔貢中式署澤源學正

宮步月 道光甲辰

上並神池

主偉發 乾隆丁酉

五寨人